

Broj 3. - Srijeda, 24. februara 1999.

(„Službene novine Kantona Sarajevo“, broj 3/99 Prečišćeni tekst)

Na osnovu člana 37. stav 4. alineja 3. i člana 152. stav 1. Poslovnika Skupštine Kantona Sarajevo („Službene novine Kantona Sarajevo“, br. 7/96, 10/96, 4/97 i 6/97), Zakonodavno-pravna komisija Skupštine Kantona Sarajevo na sjednici održanoj 22. februara 1999. godine, utvrdila je prečišćeni tekst Odluke o osnivanju Javne ustanove „Sarajevska filharmonija“.

Prečišćeni tekst Odluke o osnivanju Javne ustanove „Sarajevska filharmonija“ obuhvata:

1. Odluku o osnivanju Javne ustanove „Sarajevska filharmonija“ („Službene novine grada Sarajeva“, broj 4/94);
2. Odluku o preuzimanju i izmjenama i dopunama Odluke o osnivanju Javne ustanove „Sarajevska filharmonija“ („Službene novine Kantona Sarajevo“, broj 14/97);

u kojima je označen dan stupanja na snagu tih odluka.

Broj 01-05-12-11/99
22. februara 1999. godine
Sarajevo

Predsjednik
Zakonodavno-pravne komisije
Avdo Čampara, s. r.

ODLUKA

O OSNIVANJU JAVNE USTANOVE „SARAJEVSKA FILHARMONIJA“

(PREČIŠĆEN TEKST)

Član 1.

Ovom odlukom preuzima se Odluka o osnivanju Javne ustanove „Sarajevska filharmonija“ („Službene novine grada Sarajeva“, broj 4/94) kao Odluka Kantona Sarajevo.

Član 2.

Kanton Sarajevo preuzima prava osnivača Javne ustanove „Sarajevska filharmonija“, koja nastavlja sa radom kao kantonalna javna ustanova u državnoj svojini.

Član 3.

Javna ustanova posluje pod nazivom „Sarajevska filharmonija“.

Sjedište „Sarajevske filharmonije“ je u Sarajevu, ulica Obala Kulina bana 9.

Član 4.

Djelatnost „Sarajevske filharmonije“ obavljaće se u zgradi Narodnog pozorišta u prostorima koji su neophodni za njen rad, a koji su i do sada korišteni.

Objekti i oprema iz stava 1. ovog člana imovina su Kantona.

Član 5.

„Sarajevska filharmonija“ ima svojstvo pravnog lica.

Član 6.

Djelatnost „Sarajevske filharmonije“ je:

92.31. umjetničko i književno stvaralaštvo i scensko izvođenje (reproduktivna umjetnost);

Ovaj razred obuhvata:

- scensko izvođenje uživo koncerata, opera, baleta, folklor a i drugog repertoara.
- djelatnost grupa, društava, orkestara ili sastava.
- djelatnost slobodnih umjetnika - muzičara,

92.32. Djelatnost objekata za kulturne priredbe

Ovaj razred obuhvata:

- djelatnost koncertnih ili pozorišnih dvorana i drugih umjetničkih objekata,
- rad agencija za prodaju ulaznica,
- rad studija za snimanje zvuka

Član 7.

“Sarajevska filharmonija” ne može promijeniti djelatnost iz člana 6. ove odluke bez saglasnosti osnivača.

Član 8.

Osnivački ulog “Sarajevske filharmonije” sastoji se od 100.000.000 BH dinara.

Član 9.

Izvori sredstava za rad “Sarajevske filharmonije” su:

- sredstva osnivača,
- iz naknada za obavljanje intelektualnih i drugih usluga,
- iz legata, poklona, zavještanja i iz drugih izvora

Član 10.

Vlada Kantona daje saglasnost na pravila, planove rada i razvoja i godišnji program rada “Sarajevske filharmonije”.

Član 11.

Pitanja, prava i obaveza između osnivača i “Sarajevske filharmonije” koja nisu regulisana ovom odlukom, utvrdiće se ugovorom.

Član 12.

Organ upravljanja u “Sarajevskoj filharmoniji” je Upravni odbor od pet članova.

Jedna trećina članova Upravnog odbora, po pravilu, imenuje se iz reda stručnih radnika zaposlenih u ustanovi.

Predsjednika i članove Upravnog odbora imenuje i razrješava Vlada Kantona.

Član 13.

Organ rukovođenja u “Sarajevskoj filharmoniji” je direktor.

Direktora “Sarajevske filharmonije” imenuje Upravni odbor na osnovu konkursa koji se objavljuje u javnim glasilima, uz saglasnost Vlade Kantona.

Direktor ne može biti član Upravnog odbora.

Član 14.

Organ kontrole poslovanja u “Sarajevskoj filharmoniji” je Nadzorni odbor od tri člana.

Predsjednika i članove Nadzornog odbora imenuje i razrješava Vlada Kantona.

Jedan član Nadzornog odbora imenuje se iz reda stručnih radnika zaposlenih u “Sarajevskoj filharmoniji”.

Član 15.

Radnici “Sarajevske filharmonije” ostvaruju svoja prava u skladu sa zakonom, pravilima “Sarajevske filharmonije” i kolektivnim ugovorom.

Član 16.

Upravni odbor Javne ustanove “Sarajevska filharmonija” uskladiće pravila, akt o unutrašnjoj organizaciji i druga akta u roku od 60 dana od dana stupanja na snagu ove odluke.

Član 17.

Nadzor nad zakonitosti rada Javne ustanove “Sarajevska filharmonija” vrši Ministarstvo kulture i sporta Kantona Sarajevo.

Član 18.

Za svoje obaveze “Sarajevska filharmonija” odgovara svom svojom imovinom - potpuna odgovornost.

Osnivač “Sarajevske filharmonije” je supsidijarno odgovoran za obaveze “Sarajevske filharmonije”.

Član 19.

Javna ustanova “Sarajevska filharmonija”, obavezna je da u roku od mjesec dana od dana stupanja na snagu ove odluke podnese prijavu radi upisa ovih promjena u sudski registar koji se vodi kod Kantonalnog suda u Sarajevu.

(„Službene novine Kantona Sarajevo“, broj 31/07)

Na osnovu člana 12. stav 1. tačka c. i člana 18. stav 1. tačka b. Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), člana 6. Zakona o ustanovama ("Službeni list RBiH", broj 6/92, 8/93 i 13/94) i čl. 6. i 15. Zakona o pozorišnoj djelatnosti ("Službene novine Kantona Sarajevo", broj 14/00 i 25/06), Skupština Kantona Sarajevo, na sjednici održanoj 26. septembra 2007. godine, donijela je

ODLUKU

O IZMJENAMA I DOPUNAMA ODLUKE O OSNIVANJU JAVNE USTANOVE "SARAJEVSKA FILHARMONIJA"

Član 1.

U članu 3. Odluke o osnivanju Javne ustanove "Sarajevska filharmonija" ("Službene novine Kantona Sarajevo", broj 3/99 - Prečišćeni tekst) iza stava 2. dodaju se novi st. 3. i 4. koji glase:

"Naziv i sjedište "Sarajevske filharmonije" iz st. 1. i 2. ovog člana može se promijeniti".

"Odluku o promjeni naziva i sjedišta "Sarajevske filharmonije" donosi Skupština Kantona Sarajevo (u daljnjem tekstu: Skupština) na prijedlog Vlade Kantona".

Član 2.

U članu 7. dodaju se novi st. 1. i 2. koji glase:

"Djelatnost "Sarajevske filharmonije" iz člana 6. ove Odluke može se proširiti ili promijeniti".

"Odluku o proširenju ili promjeni djelatnosti donosi Skupština na prijedlog Vlade Kantona".

Dosadašnji stav 1. postaje stav 3.

Član 3.

U članu 10. iza riječi "pravila" dodaju se riječi: "pravilnik o unutrašnjoj organizaciji i sistematizaciji", a ostali dio teksta ostaje nepromijenjen.

Član 4.

Iza člana 14. dodaje se novi član 14a. koji glasi:

"Član 14a.

Vlada Kantona će razriješiti predsjednika i člana Upravnog odbora, direktora i predsjednika i člana Nadzornog odbora i prije isteka mandata na koji su imenovani u sljedećim slučajevima:

- ako utvrdi da je odgovoran za neuspješan ili nezakonit rad "Sarajevske filharmonije",
- ako je "Sarajevska filharmonija" poslovala sa gubitkom dvije (2) godine uzastopno,
- na njegov lični zahtjev,
- ako Skupština ne usvoji godišnji izvještaj o radu i finansijskom poslovanju "Sarajevske filharmonije",
- u drugim slučajevima utvrđenim Zakonom i pravilima ustanove.

Procedura usvajanja izvještaja o radu i finansijskom poslovanju ustanove, posljedice mogućeg neusvajanja navedenih akata, kao i postupak i način razrješenja predsjednika i članova Upravnog i Nadzornog odbora i direktora, precizirat će se Pravilima "Sarajevske filharmonije".

Član 5.

U čl. 16. i 19. riječ "ove" briše se, a riječ "odluke" zamjenjuje se riječima: " Odluke o izmjenama i dopunama Odluke o osnivanju Javne ustanove "Sarajevska filharmonija".

Član 6.

Iza člana 17. dodaje se novi član 17 a. koji glasi:

"Član 17a.

Upravni, odnosno Nadzorni odbor obavezan je da Ministarstvu kulture i sporta Kantona Sarajevo redovno dostavlja zapisnike sa održanih sjednica Upravnog, odnosno Nadzornog odbora, a izvještaj o radu godišnje.

Godišnji izvještaj o radu sadrži: izvještaj o izvršenju godišnjeg programa rada, izvještaj o finansijskom poslovanju, izvještaj o radu Upravnog odbora i izvještaj o radu Nadzornog odbora."

Član 7.

Upravni odbor "Sarajevske filharmonije" dužan je da u roku od 30 dana od dana stupanja na snagu ove Odluke uskladi Pravila i Pravilnik o radu, unutrašnjoj organizaciji i sistematizaciji radnih mjesta i druge opće akte sa odredbama ove Odluke.

Član 8.

Ovlašćuje se Zakonodavna komisija Skupštine Kantona Sarajevo da utvrdi prečišćeni tekst Odluke o osnivanju Javne ustanove "Sarajevska filharmonija".

Član 9.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-05-24521/07
26. septembra 2007. godine
Sarajevo

Predsjedavajući
Skupštine Kantona Sarajevo
dr. **Denis Zvizdić**, s. r.

Na osnovu člana 12. stav 1. tačka c) i člana 18. stav 1. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 i 28/04), čl. 3. i 6. Zakona o ustanovama ("Službeni list Republike Bosne i Hercegovine", br. 6/92, 8/93 i 13/94) i čl. 6. i 15. Zakona o pozorišnoj djelatnosti ("Službene novine Kantona Sarajevo", br. 14/00 i 25/06), Skupština Kantona Sarajevo, na sjednici održanoj dana 27.12.2012. godine, donijela je

ODLUKU

**O IZMJENAMA ODLUKE O OSNIVANJU JAVNE
USTANOVE "SARAJEVSKA FILHARMONIJA"**

Član 1.

Član 6. Odluke o osnivanju Javne ustanove "Sarajevska filharmonija" ("Službene novine Kantona Sarajevo", br. 3/99 - Prečišćeni tekst i 31/07), mijenja se i glasi:

"Član 6.

Djelatnost "Sarajevske filharmonije" je:

90.01 Izvodačka umjetnost

90.02 Pomoćne djelatnosti u izvodačkoj umjetnosti

90.04 Rad umjetničkih objekata."

Član 2.

Ova odluka stupa na snagu osmog dana od dana objavljivanja u "Službenim novinama Kantona Sarajevo."

Broj 01-05-31430/12
27. decembra 2012. godine
Sarajevo

Predsjedavajuća
Skupštine Kantona Sarajevo
Prof. dr. **Mirjana Malić**, s. r.